



北海亭詩集目錄

七言律

喜雲卿至有作

送雲卿還里

七夕

贈馬先生

送王劬慕侍御請假省墓二首

送賈用汝遊關中

黃金臺

贈張紹山

歲暮有懷箕生

次韻荅箕生見寄之作

歲暮雪後再見寰慶

任孟養顧予里中求志其先人墓賦此志感

寄題張忠烈祠

遙題忠烈遼水祠

次韻荅君異

時君異新下第

秋日簡張若樸

代送王公中詔

送者爲公門下士

姚節婦蕭青縣姚生同文妻也守志逾三十年  
撫二子相繼爲諸生節婦今且老矣而神明  
無恙賦此紀之二韻

寄荅王中詔

止生以元夕二詩見示次韻奉荅二首

花朝後過于度物表亭

過借閒閣觀止生壁字有作

送王明府計歸寶豐三首

和止生梨花次韻

三月廿五日杜太公招看花和止生韻  
咏蘋果花和止生韻

贈李公宇

寄李玄素滌江

遊燕月餘止生書扇頭見寄次韻奉荅

再用前韻簡止生

柬孫思皇

楚帷將歸高陽賦別

用舊韻荅止生

題戚畹李夫人壽冊 其孫曜舉丁卯京闈

中秋蚤雨次止生韻

中秋夜集次止生韻

九日同諸子登永寧寺臺次止生韻

九日同諸子夜飲田翁草堂次止生韻

重陽後過羅氏林亭

秋日送魏元白撫楚 代大人作

壽萬都尉 代

孫氏兄弟盧墓

袁實甫讀書興盛寺

用韻寄張若樸

過女弟墓

述懷次啓泰先生韻二首

謁靜脩先生新祠次曹佩巖使君韻

偶成再用端字韻

三日同李還白雲海北海劉滄洲宋我醇杜湘

美洲美開美挹美君玄白河泛舟用于鱗舊

韻

暮春集君異尋樂亭賞海棠用空同舊韻

東園偶成應訓步韻

夏日園居寄中園

朱子叔臯過訪爲念其先人完天赴周忠介之

難留草堂者月餘愴然有懷援筆爲贈

送李還白之新城

寄懷止生

盡我欲過草堂因從郡城同歸賦贈

北海亭詩集 卷之三  
四  
夏日閒居

開美初度時應秋試賦此爲贈

次韻荅箕生見懷之作

周完卿世兄枉過草堂賦贈

冬夜爲文簡先師撰次家傳悵然有作

寄懷王中詔

寄沈無謀

偶從玉壺記憶得周忠介逸詩喜賦步家奉常  
韻

送騰江先生司訓密雲

春日洲美招飲其生日也

寄懷彥培世兄兼索近作

衛本陽將龍武營寄贈

送黃時甫歸江右就試

贈李豸白使君

秋日劉青藜以清園草寄示賦贈

次韻荅王中詔寄懷之作二首

夏日東園讌集和許生韻

送楊致齋之岷州

為胡先生配饗靜脩祠次韻二首

北海亭詩集

范陽鹿化麟石卿著

金容孫奇逢啓泰輯

渠水范士楫箕生較

七言律

喜雲卿至有作

中原有客嘆離羣  
風雨應門忽報君  
秀骨稜稜推王立  
新袍楚楚鬱蘭芬  
尊前肝胆懸秋水  
句裏峯巒落夏雲  
握手相看無限意  
頌忘潦倒欲論文

送雲卿還里

朝來對榻一談心  
聞道歌驪思不禁  
千里才名摩羽  
近十年情事把杯深  
雨清空閣消莊夢  
風動疎林助  
越吟別後念君君  
念否飲光臺畔月將沈

七夕

清秋白露影溥溥  
入夜星河萬井看  
烏鵲橋成緣不  
淺鴛鴦譜在巧無端  
金針縱向風中度  
銀漢難消雨  
後寒此夕登樓誰  
氏女月明無語自憑欄

贈馬先生

拂袖歸來羨耦耕  
雪腸霜鬢炤人明  
談經帳遠還遺  
教通德門高不愛名  
三徑自開朝雨霽  
一樽常對暮  
雲橫欲知南郡平  
生事愧少康成意未傾

送王劬慕侍御請假省墓

栢臺截業凜霜清  
肝膽還依帝衮明  
共指埋輪眞  
執法卽看焚草更  
避名春風遙傍度  
刀色秋水常懸  
祖楫情此去龍門  
當暫遠空稱國士  
負平生

其二

故園戎馬近如何  
風靜旌旗卷碧阿  
推轂有人肩絡



井洗兵無事挽天河豈因遠夢憂松價未許閑心問  
笠策 聖主疇咨勞侍從鳳池屈指聽鳴珂

送賈用汝游關中

西望翺飛試翠翮中原千里獨相凭朝來勝會空河  
朔別後春風憶杜陵遊屐山川供蘊藉盟壇旗鼓闢  
凌兢隴頭漫作折梅感留對他年夜雨燈

黃金臺

獨上高臺感慨深臺荒何處覓黃金當年市駿排雲  
出今日龕龍入夜吟半畝蒿萊餘伯氣一川風雨澹

秋陰土人指點歸蕭寺長嘯空山扣劍鐔

贈張紹山

只尺相看一徑通佩刀應解貫新豐懸壺別識英雄  
趣傾蓋平分造化功雲外鴻光憐白髮月中龍氣炤  
青虹舉杯天地堪舒嘯醒後何妨號醉翁

歲暮有懷箕生

燕臺客况漫深談潦倒當杯祇自酣人隔關河音未  
鯉歲臨霜雪夢爲驂好懷久似因慵減佳句誰教對  
病探遙憶故園鶯語早願留斗酒佐雙柑

北海詩集 卷之三  
次韻答箕生見寄之作

壯心疑螿學水蟲落拓何妨首似蓬青律新開思郢  
雪紫筒忽到見齊風詩裁遠路愁平子酒怯深杯笑  
長公聞道東歸有馬首榴花不負故園紅

歲暮雪後再見寰慶

風滿長河掠凍澌畫橋西畔夕陽遲扣門客自稱同  
調抵掌談猶憶往時杯後千秋還笑泣眼中諸子未  
支離炤人賸有腸如雪漫向東風感鬢絲

任孟養顧予里中求志其先人墓賦此志感

少年何事欵茅茨搖落俄增異代思彼岸先登堪作  
古斯文後死欲依誰知音永斷伯牙鼓愧色曾銷有  
道碑夢到河山空有恨盟壇回首一停卮

寄題張忠烈祠

庭偃深松晝不扃月明驄珮自玲瓏孤標空憶龍門  
李生面誰憐華表下血貫長虹終化碧魂依春草尚  
留青請看領袖三忠者何以當年兩是亭

遙題忠烈遼水祠

孤祠殘郭日光寒驕虜心驚鐵矛冠沙草漫隨胡地

北漢書詩集 卷之三  
四  
白晴霞常照漢臣丹未酬曲突銷戎幕留取長纓護  
將壇白馬朱旂陰雨後英雄不作死生看

次韻答君異

時君異新下第

元龍樓畔氣千尋伏枕歌殘落木陰千里未題仍是  
驥五車空破豈如蟬雞鳴肯讓祖生楫貂敝還高季  
子金回首中原同調在漫將山水嘆孤琴

秋日簡張若樸

誰言仲蔚偃蓬蒿一日中原解佩刀自有玄心澆濁  
酒尚餘俠骨勝綈袍梁間明月光相傍篋裏青山價

已高回憶盟壇雞黍在秋風湖水首徒搔

代送王公中訥

送者爲公門下士

春回粉署氣成霞搔曳猶憐一縣花案牘塵清風滿  
袖桑麻煙滿月千家行囊堪借鬱林石講帳還留勾  
漏砂此去侯巴虛問字臨岐記取指南車

姚節婦蕭青縣姚生同文妻也守志逾三十年  
撫二子相繼爲諸生節婦今且老矣而神明無  
恙賦此紀之

悲風吹斷鳳簫停月冷流黃四十齡飛鵠歌殘霜鬢

北海亭詩集 卷之三  
白和熊九就夜藜青春雲偏護宜男草秋色常明婺  
女星莫問立孤難易事玉臺雙眼尚堪醒

其二

大樹啼烏慘夜颺碩人初賦栢舟操枚臺罷去鸞無  
影玉砌生來鳳有毛白髮自閒筇竹杖青緗不換鬢  
輪袍他年錦字芝綸色惆悵難酬斷杼勞

寄答王中詡

鍾山吟眺海天孤夢到河梁執手無吳練長懸虛夜  
棹漢統遙贈帶明珠曹閒清晝非疑馬家近白雲不

憶鱸若問牢騷生事冷雙柑斗酒日相扶

止生以元夕二詩見示次韻奉答

江干煙火動春宵况有同心破寂寥榻近聚星移簡  
過堂懸明月舉杯邀窮吟漸覺奚囊滿狂略誰憐髀  
肉消 聖主方思經濟手未應惆悵五雲遙

其二

麴國千金築將臺酣歌移枕游輕雷風前旗鼓椎圖  
在雪後溪山遠夢迴良夜尚供庾亮嘯清時聊緩仲  
宣哀客星到處知非偶一曲陽春萬象開

花朝後過于度物表亭

日聽深鶯報柳衙孤亭遙挂赤城霞青山賦老楊雄  
宅白水盟傾劇孟家千古風煙留問渡三春功課屬  
評花夜來共剪西窗燭醉舞驚看壁影斜

過借閒閣觀止生壁字有作

豪士曾尋避暑堂借閒閣上納新涼砌花含雨縈書  
帶椀茗生風襲隱囊漫向中原關笑泣誰從我輩問  
行藏元龍在昔耽高臥湖海猶嫌氣未忘

送王明府計歸寶豐

孔邇歌成載道譁使君將父願猶賒榻來共沐隨車  
雨歸去誰開滿縣花雞骨那堪支客夢牛刀空嘆繡  
天涯相看只尺翻相擲斜日西風咽鼓笳

其二

移來姑射在城頭椿色驚傳一夜秋丹誥喜分  
綸綽寵白雲淒斷旆旌愁歸輶忽斂陽春去飛鳥仍  
依落日留苦恨塞塗諸父老半將滄淚入吟謳

其三

廣陵城畔板輿臨太公會就養于文安歸指香山結道林香山在寶

豐誰謂老人星黯淡頓教仙令夢沈吟風霜慘入離  
渠調霄漢愁違捧檄心若問神明千載事望中棠蒂  
已成陰

和止生梨花次韻

樽酒閒春好細論愛看幾樹綴冰魂箔搖流艷煙猶  
濕未惹飛香雪亦溫恥闔芳菲輕索笑似含心事靜  
忘言漫教惆悵空塔雨徙倚寧辭屐齒痕

三月廿五日杜太公招看花和止生韻

領略春光某在斯春衣纔試暮春時應門未敢輕題

鳳載酒無勞更剪獅華髮對花誰耐老壯心當醉易  
生悲煙塵極目猶西北長嘯還看萬里飛

咏蘋果花和止生韻

小苑追尋覆地花貪看蘋果酒籌加桃緋欲吐凝寒  
玉梨雪初霏暎早霞開謝漫言春是客起居聊信醉  
爲家絲毫卽席驚新唱飛動何煩感鬢華

贈李公宇

蕭然短髮不勝冠海鶴精神格外看蓬徑閒吟容我  
懶玉壺清影炤人寒耽貧日對先生柳招隱唯紉君

子蘭休向橘中談樂事睡鄉天地本來寬

寄李玄素搯江

燕市春雲擁去旌知君風采動陪京青緗不負匡時略白眼偏高結客情笳吹聲從天外度樓船影向鏡中行遙看明月胡牀興醜酒臨江雪浪傾

游燕月餘止生書扇頭見寄次韻奉答

梧葉朝飛禁苑中那堪短髮向秋風杯啣日暮來新爽劍吐霜華劃碧空自有真龍驚避舍尚餘高鳥嘆藏弓壯心收拾歸禪悅閒月溪東問遠公

再用前韻簡止生

千秋心事舉杯中晞髮長林領快風秋到虛窻懸夢冷醉餘狂眼入羣空窮途漫自談雷劍俠氣還應付楚弓疎放不妨丘壑貴懶嵇誰道負山公

東孫思皇

明時何地不彈冠秋色寒侵苜蓿盤豈以閒曹高馬骨聊因斜日簡龍團尊前同舍陳荀聚帳下諸生衛霍看若問故園兄弟事一溪烟雨挂漁竿

楚帷將歸高陽賦別

客中秋色傍誰多伏枕高城暮雨過爲得勝游堪縱  
酒從教深夜尚酣歌愁心歷落留湖海生事蕭疎問  
薜蘿歸去故園猶未晚當樓明月正婆娑

用舊韻答止生

江上秋聲度草堂吟秋新句闔廳涼已甘息影投愚  
谷誰謂憂時叩智囊三匝有枝依月穩五湖將印入  
雲藏他年若憶淹留處溪柳汀鷗尚不忘

題戚畹李夫人壽冊

其孫曜舉丁卯京闈

戚里朝看紫氣環長春花下舞衣斑劒龍初耀文孫

彩笙鶴偏承阿母顏篆裊恩光依北闕杯揚聖善

屬南山舉頭試聽雲中奏疑是瑤池取次還

中秋蚤雨次止生韻

跌宕奇情不慣愁愁看疎雨點中秋拚將夜色抒新  
抱休問風波感昔游隣結蒹葭時共語席分鷗鷺爲  
相留行藏亦是浮雲事莫遣青樽負白頭

中秋夜集次止生韻

海雲吹散月平安一嘯眉峯亦解攢韻挾幽蘭偏歷  
落影分仙桂倍高寒鱸蓴未許牽歸夢龍劒應知作



北海詩集 卷之三  
合歡只有故人堪共飲明朝休訝聚星看

九日同諸子登永寧寺臺次止生韻

遙從十里指南臺踏徧招提共舉杯  
河伯向誰移岸近雁臣何處帶秋來  
拚將醉眼邀寒菊展得華茵襯碧苔  
此地居然稱勝會淹留休放馬蹄回

九日同諸子夜飲田翁草堂次止生韻

勝日相携物外游憑將左袂挹浮丘  
莫言籬下空持菊且向樽前試借籌  
乘興不因門鳳去忘機堪爲海鷗留  
樓頭特設元龍枕醉後猶聞喚素侯

重陽後過羅氏林亭

露冷風高萬壑清林居寂歷道心生  
菊叢移得看秋色蕉葉留將聽雨聲  
三徑未荒偏好客五湖新長善藏名懸知爽氣西來近樽酒相期落日明

秋日送魏元白撫楚

代大人作

露冷秋高雁影翔中丞錫履楚天長  
肝腸久借金蘭色姓字新分節鉞光  
七澤雄風歸麈尾三湘明月照胡牀  
獨憐病客慚知己留得初衣澗水傍

壽萬都尉

代

碧眼方瞳骨相真帝城雲物綺堂春海籌數滿花週  
甲甥館名高嶽降申日月光華留渥寵煙霞領畧借  
閒身漫支鳩杖看山翠瑤鼎烹來石髓新

孫氏兄弟廬墓

中原秋色滿青蕪寂歷茅椽倚墓隅五夜瞻依還戲  
綵六年枯黑僅留癯蓼莪剛後吟偏苦棠棣移來影  
不孤幾度論心經此地豆棚瓜蔓盡堪圖

袁實甫讀書興盛寺

只尺招提有聚星中原我輩共談經筆花自結晴霞  
綺燈暈初分夜雨青門外澄流迴作枕窻前古殿轟  
爲屏知君不淺聞雞感霜梵常依客夢醒

用韻寄張若樸

花醒竹醉一巡簷矯首同人意未厭河朔有風堪泛  
竿剡溪無雪莫迴幃清秋枕簟眠邊笥落日絃歌織  
沈簾需爾慶雲眼底事神龍應自愛淵潛

過女弟墓

每經此地一沾巾十八年來夢裏人說到存亡知緒  
苦情關骨肉感愁新松楸自黯鴿原淚環珮空疑鶴

表神若問阿兄今老大玄亭未浣敝貂塵

述懷次啓泰先生韻

茅亭疑在白雲端檻外新添竹數竿常自支願非習  
懶但求容膝易爲安尊生偏解消除法涉世時參平  
等觀怪得詩脾無病渴百斤手閱小龍團

其二

烟踈雨細織林端省識閒身倚釣竿斷卻酒緣除潦  
倒留將花事報平安池中鼓吹堪舒嘯枕上江山亦  
壯觀斜日後園聊緩步蔭來榆柳正團團

謁靜脩先生新祠次曹佩巖使君韻

突兀新祠指願中尚疑生色炤空濛徵書再卻鴻儀  
遠姓字孤懸鶴表崇天造河山瞻灝氣人從樵牧識  
流風斯文絕續原千古俎豆驚看此日隆

偶成再用端字韻

紛紛註脚總無端進步誰窮百尺竿只信探源歸泗  
水何須移艇向新安座中似解撚花笑門外憑教坐  
井觀莫嘆白頭纔識取千秋幾許破疑團

三日同李還白雲海北海劉滄洲宋我醇杜湘

美洲美開美挹美君玄白河泛舟用于鱗舊  
韻

醜酒烹鮮攬勝游桃花夾岸拂輕舟為尋曲水隨波  
去誰謂春山無伴求塵外孤情多暇日飲中諸子盡  
名流溪村到處青旗颺酣暢何須問杖頭

暮春集君異尋樂亭賞海棠用空同舊韻

朝來携具共尋花韻勝如君更可誇為倩春風迎席  
語還留夜色傍燈斜曩鞅酒陣推雄伯山水琴心感  
歲華满眼芳菲半流水莫將搖落賦殘霞

東園偶成應訓步韻

癖性生來愛掩關雙柑斗酒向林間偶因覓句堪支  
枕不用捐囊更買山湖海有人勞寄訊乾坤多事讓  
投閒留將名教干城在樂處無煩叩孔顏

夏日園居寄中園

池翻朝雨水增波搔首青天欲放歌拂檻常看雲葉  
近撚髭自笑雪莖多閒循舊圃澆松菊為製新棠剪  
芰荷却憶元龍樓百尺長安明月興如何

朱子叔臯過訪為念其先人完天赴周忠介之

難留草堂者月餘愴然有懷援筆爲贈  
朝來有客度江臯說到當年欲續騷名籍黨人憐李  
范淚分知己憶荆高孤亭夜雨存雞黍遠道秋風見  
鳳毛不向山陽增悵惋千秋嶽立幾朋曹

送李還白之新城

霸氣猶存戲馬臺寨帷喜見福星來子安夙擅三珠  
價公琰元非百里才塔鶴唳風聽綠綺村龐依月臥  
青苔乾坤極目煙塵際千騎東方保障哉

寄懷止生

莫言遷容易消魂留得孤身亦主恩才就屠龍寧自  
廢命逢磨蝎許誰論十旬瘴海隣堪卜三載江村榻  
尚溫天際一鴻憑寄語望君鞭弭是中原

盡我欲過草堂因從郡城同歸賦贈

並騎衝風指暮村溪回柳暎草堂存昏鴉驚識新冠  
蓋稚子熟聆舊笑言漫向烽煙憐落魄尚餘肝胆炤  
清樽連宵雞黍中原略醉後憑君細討論

夏日閒居

結束身名一草堂眼看林影接滄浪人間未覺天當

暑地僻還疑日更長  
墻荔聊堪充隱佩  
盆榴不是競時粧  
知音此際唯藤枕  
誰向希夷乞睡方

開美初度時應秋試賦此爲贈

屈指詞林見國工  
爲君貫酒醉新豐  
當年弧矢男兒志  
此日橐鞬大將風  
矚矚何人空冀北  
姓名雅自擅江東  
卽看綵筆凌秋色  
鵬翼垂天萬里翀

次韻答箕生見懷之作

忍將雙眼向誰顰  
搔首蒹葭有道隣  
醉倚風簷增跌宕  
老憑霜管鬪嶙峋  
自參骨法逢場懶  
每說煙霞入

夢新莫嘆蓬蒿羞我輩  
相期別是一流人

周完卿世兄枉過草堂賦贈

梁溪疑是剡溪來  
孤棹衡門雪裏開  
袖挾九峯秋色動  
杯銜三徑斗文回  
絲綸池鳳新瞻謝  
風雨鐔龍驟合雷  
海內提携知己在  
寸心千里未堪灰

冬夜爲文簡先師撰次家傳悵然有作

回首空依數仞墻  
絕琴欲鼓倍淒涼  
行藏已伴蓬蒿老  
姓字虛隨糠粃揚  
楚夢有招憐宋玉  
郭碑無愧憶中郎  
斯文後死誰堪訊  
徙倚寒宵對劍光

寄懷王中詔

拂袖歸來已數年九峯峯色在頤前  
名心澹却投蓮社逸興圖成是輞川  
抗疏誰猜鳴鳳少談經人指聚星偏  
江村雙鯉函春訊爲向桃花渡口傳

寄沈無謀

漫將荆識擬封侯束髮論交鬢已秋  
偏向崎嶇尊我輩幾從述作嘆同游  
心關何事頻看劍耳到希聲似枕流  
聞說元龍樓百尺可知雙鯉是江頭

偶從玉壺記憶得周忠介逸詩喜賦步家奉常

韻

曲裏高山未可尋憑誰省識助長吟  
恍從梅信占蘭具疑對霜毫認鐵心  
汲冢漫開曾斷簡爨桐空拾已焦琴  
何如此夕徵文獻不費咸陽易字金

送騰江先生司訓密雲

詞林聲價重南州此日鱣堂吏隱優  
自有模楷開禮樂豈憑臧否識陽秋  
文星春擁臯比座仙骨光分鶴氅裘  
借問漁陽桃李色幾看載酒賦清流

春日洲美招飲其生日也

北海亭詩集 卷之三  
江左風流有冠軍門前綠樹幾停雲新鶯曉唱當初  
度芳草春光已半分霜劍漫彈將進酒水絃纔挂欲  
論文相看此際多醒眼莫遣狂書白練裙

寄懷彥培世兄兼索近作

詞壇千載雅兼騷易水今傳郢調高偃臥不嫌湖海  
氣飛鳴誰並鳳凰毛花生一夜催江管鼎立中原望  
呂刀已製錦囊當什襲雙珠曾許炤江臯

衛本陽將龍武營寄贈

橫海將軍鏡裏行千營鼓角奪潮聲曾從黃石稱孺  
子喜見嫖姚漸老成島嶼頓開新氣色魚龍驚避舊  
威名十年磨就酬恩劔露布朝飛楯墨明

送黃時甫歸江右就試

方從湖海結金蘭忽對歸舟唱渭難志奮游燕憐短  
劔才堪張楚識飛翰千秋自領藏鍼譜百尺誰窮進  
步竿簫曲峯頭明月夜江村搔首可同看

贈李豸白使君

衣帶相隣一水秋河陽花氣照滄洲勞民久借農桑  
色仙令猶勤芻牧憂兩袖清風迴撫軫萬家明月待



北溪詩集 卷之三  
登樓只憑輿頌占徵璽屈指栽棠蔭已稠

秋日劉青藜以清園草寄示賦贈

一葉初飛秋氣新驚看綵筆動星辰色絲少女非常  
調流水高山自解人和璧別來寧損價桃源逢處尚  
迷津中原此際多旗鼓逸翮誰堪步後塵

次韻答王中詡寄懷之作

仙鳧當日一相逢便向人龍識道宗共指中原看祖  
楫誰教三徑撫陶松投閒漫卷參苓手寄訊遙傳米  
雪容南望烽煙正滿眼幾堪清夢對疎鐘

其二

每從千里憶風期山水音徽許共知蠟屐晴移嵐氣  
合臯比雪擁漏聲遲盟懸海岳應無恙味到金蘭似  
有私搖落空江賡郢唱狂搔短髮重春思

夏日東園讌集和許生韻

招隱何須柳市頭江村生事卜來幽菜花含雨新疑  
沐槐影搖風澹欲秋揮塵未慚嘲短柄流觴端合借  
愚溝探詩快讀驚人句爲擘鸞牋助鳳樓

送楊致齋之岷州

北海高言集 卷之三  
柳色青青拂曉旌鋒車遙指宕州城此行按部生春  
滿何日登樓對月明檄墨未乾霏楯鼻絃歌初奏臥  
弓檠風寒處處憑誰護聞道西羌識姓名

爲胡

先生配饗靜脩祠次韻

高山追景儼如新名教千秋藉偉人漫向蓬蒿尋仲  
蔚誰云簞笠混玄真壺觴聊託寰中賞肝肺全收物  
外春經術淵源驚濟美每披家譜見風神

其二

林尖山色點蒼茫龍臥雲深道韻昌一脉箕裘占世  
澤百年俎豆吐幽光歌傳春雪推鞭弭氣結秋蘭代  
佩章携手靜脩堪共語望中冠鳥自踟蹰

北海亭詩集目錄

五言絕句

對菊

題壁間山水次中園韻

七言絕句

將返家園留別知己二首

九日述懷兼示江東諸子四首

除夕前一日招君異同候王中詵二首

時君異新娶

雨後觀魚三首

北海亭詩集 卷之四  
止生借書附一絕句走筆奉荅

送止生酒

有引

盡我又栖都下故人有訊其音耗者因附一絕  
盡我本韻也自言桃李蹊中情無專屬賦此嘲  
之

盡我暮抵白溝堅欲請行賦留之

盡我遊燕六月有家信促之乃歸計除夕始可  
到耳

新春送止生如閩十絕句

啓秦先生以孝被旌賦寄二絕

秋夜

君異負我海棠之約作此嘲之二首

過友人書齋不遇

讀魏士友還田卷感賦四首

贈常尉六首

戲簡杜湘美二首

中秋前止生簡劉改之詞至能幾日又中秋句  
感而追和屬余共作

鷓鴣天

夏日

贈杜集美

拂霓裳

中秋次止生韻

西江月

暮春卽事簡杜君異

壽王對峰先生八十

許太始舉子

北海亭詩集

范陽鹿化麟石卿著

金容孫奇逢啓泰輯

渠水范士楫箕生較

五言絕句

對菊

露浥寒香發裘羊一徑斜酒闌頻借問何似在陶家

題壁間山水次中園韻

樹烟邀岫色未雨氣先秋識得藏舟意江深靜不流

七言絕句

將返家園留別知己

飛觴促膝暗相親  
燕市今朝散酒人  
記取席前脫贈  
語它時回首好重論

其二

春破夏來秋又殘  
誰憐客子滯長安  
明朝歸去桑乾  
道馬首西風白露寒

九日述懷兼示江東諸子

蕭瑟高空雁影橫  
凌風逸興薄蓬瀛  
佩萸無伴虛佳

會坐數寒窻  
落木聲

其二

衣帶江流秋色來  
豈因多病阻登臺  
侵他書記渾閑  
事悞爾千秋濁酒杯

其三

東籬何處布黃金  
乘興還聞冒雨尋  
却怪主人耽寂  
寞并將獨酌未遑斟

其四

一灣水色接林煙  
隔岸誰呼載酒船  
羣從登高應有

賦可應還任老夫傳

除夕前一日招君異同候王中訥

時君異新娶

天桃灼灼報新芳  
帳裏春風恍自忘  
却念故人當萬里  
可無執手到河梁

其二

知君遙自楚天回  
未許高唐詞客催  
合卺杯深春色滿  
便煩星駕渡江來

雨後觀魚

濕雲飛盡遠山青  
携客行吟恥獨醒  
日暮漁人歌款款

乃尚餘鷗鳥點寒汀

其二

荷藻牽風吹浪輕  
潛鱗何事太相驚  
謹聲翻壑如簫鼓  
堤上頊筐縱復橫

其三

陰陰夏木蔽溪深  
晞髮偏宜招隱心  
但得烹鮮兼命酒  
坐看涼月出風林

止生借書附一絕句走筆奉答

江村近似雪堂居  
何事消閒但借書  
漫道家藏傾鄴

架孝先腹在已無餘

送止生酒

有引

新釀一罈以佐詩腸今歲數種當待品題爲殿  
最也一絕附笑

小槽新壓鬱金香看取盈樽借客嘗麴國一年初報  
政畢君元是考功郎

盡我久栖都下故人有訊其音耗者因附一絕  
燕市悲歌駕彩虹客中容易感秋風萍踪漫說無尋  
處夾道青樓十二重

盡我本韻也自言桃李蹊中情無專屬賦此嘲  
之

玉山頽後興何如宛轉流蘓一夢餘休道白頭吟自  
苦已聞中夜泣前魚

盡我暮抵白溝堅欲請行賦此留之

瘦寒初臨古渡頭相逢未肯解吳鉤也知此際歸思  
切樽酒聊堪當石尤

盡我游燕六月有家信促之乃歸計除夕始可  
到耳



紅塵半載爲誰留，應有兒家字莫愁。  
不是洛陽書一紙，椒盤還可傍箜篌。

新春送止生如閩十絕句

春風幾度變青莎，三載剛如彈指過。  
知止有居曾識取，不須回首嘆風波。

其二

忍將綵筆負明時，雄略唯應髀肉知。  
怪得世人皆欲殺人龍，文虎屬阿誰。

其三

少年兵法勒青山，秘殿牙籤動聖顏。  
明主中宵聽鼙鼓，孤臣萬里夢刀環。

其四

膽懸秋水炤吳鉤，曲突空憐志未酬。  
若使天心將洗甲，浮談誰敢易先憂。

其五

妖氛千里薄城闈，一劍從軍借箸頻。  
但得功成喧露布，兜鍪甘換白綸巾。

其六

北海亭詩集 卷之四 五  
幾年蓮幕舊參軍忽見龍旂掣海雲漫道曾兵蟠數  
萬姓名驕虜已先聞

其七

烽煙遙望祖生鞭功罪從來莫問天萬事不如歸棹  
穩江村春色尚依然

其八

花滿芳園酒滿螺消除歲月著書多夜珠留得詩千  
首看取清光炤薜蘿

其九

天涯知己暫相留聞道歌驪莫遣愁愧我有亭虛北  
海憐君何處望并州

其十

昔年春雪駐征驂星聚江干歲復三今日新春還雪  
色思君已在大江南

啓泰先生以孝被旌賦寄二絕

幾年封樹雪霜殘捧得旌綸墨未乾夾道行人驚  
盛事一時回首白雲看

其二

北海亭詩集 卷之四  
滔滔人面逐波旋真性依稀一夢前此日中流堪問  
渡凌風遙望孝廉船

秋夜

月下呼童汲井華新從京國寄蘭茶主人不慣文園  
渴七椀斟來興未賒

君異負我海棠之約作此嘲之

折簡平原應未忘春風何事又相妨生平不慣孤詩  
料清夢依然到海棠

其二

帶韻疎枝半欲窺花神默默苦低垂主人但得酬高  
會一任東風自在吹

過友人書齋不遇

小齋深鎖靜生涼簷外春苔若個蒼疎竹不知人去  
後漫搖清影上空窻

讀魏士友還田卷感賦

布衣雅足表容城孝友兼傳義士名自是生來俠氣  
重笑看千畝羽毛輕

其二

北海亭詩集 卷之四  
龍圖老子能贍族粳稻年年八百斛記取還田配義  
由英雄偏會撚題目

其三

誰遣捐囊更輟耕知君慷慨有餘情薛公今日親焚  
券市義無煩彈鋏生

其四

絲繡平原未足倫村疇幾處頌聲頻等閒傾動中書  
省遙睇衡門嘆有人

贈常尉

驕虜長驅意未厭孤城遙指寄鞞尖誰猜保障逢能  
手依舊絃歌颺酒帘

其二

胡笳吹慘陣雲深一劍提携定士心薄宦朝來能破  
賊留將城郭作棠陰

其三

炙酒勞軍夜未央鼓寒霜重氣逾揚何如涿鹿虛屯  
壁司馬遼巡持尚方

其四

天聲俄震血光濡奪取胡兒金僕姑京輦貴人多上  
賞殺胡曾得一籌無

其五

登陴敢望叙功時紀錄殊慚  
聖主知共道酬勞應  
不次捕衙新命是巡司

其六

烽火從君憶舊游相期肝膽炤吳鈞那堪更執河梁  
手落日中原欲白頭

戲簡杜湘美

一江風送沁園春錦上花開點絳唇醉也摩娑金盞  
子喜人深處好精神

其二

天仙子帶桂枝香對玉鐶垂金鳳凰沽美酒行得勝  
令集賢賓爲賀新郎

唐多令

中秋前止生簡劉改之詞至能幾日又中秋句感  
而追和屬余共作

一曲抱村流清陰識勝游問元龍高臥何樓初到家

園疑是客能幾日又中秋  
瀟灑便心休閒愁曾掛  
不笑勞勞敵舌焦喉留得太平公等在容我輩主觥  
籌

鷓鴣天

夏日

聽鳥穿林日幾回那堪無客自銜杯  
閑身擬向壺中  
隱華髮從教鏡裏催  
裁白帽整青鞋  
茅堂掩映野  
堂開斜風細雨尋常事  
新與玄真結社來  
東風齊着力

贈杜集美

三楚精神五陵標格偏惹芳華風流雨別只尺是天  
涯漫詫生來道骨看一陣噪雀喧鴉  
回頭笑香消蘭麝影息弓蛇  
緣譜未全差信步去桃源別有人家  
半天逸韻空自繞朱霞何事茂陵稱渴能消得幾椀  
山茶休辭病非關中酒半是憐花

拂霓裳

中秋次止生韻

碧涼天玉輪推出露華鮮  
金蘭滿清談竟日可忘年

謝公欣有展陶令契無絃酒爲船拍浮時烟雨織簷  
前 世間清福傳說易享全難喜今夕遙遙桂影傍  
高筵橫空孤鶴舞炤水百花燃彩光圓携手處長願  
接餘歡

西江月

暮春卽事簡杜君異

斗帳曉眠初起餘香猶帶春衣銀鬃玉勒踏芳菲恰  
好艷陽天氣 漫向同人招賞今朝載酒阿誰夭桃  
枝上已紛靡更問海棠開未

壽王對峰先生八十

蓋聞椿綿八百蒙莊驗長年之期桃熟三千曼  
倩識歲星之在運臻泰社道協箕疇數絳甲以  
如環瞻白庚之獨映故名士偏多高隱而古禮  
雅重達尊唯老成之蔚美相望知典刑之依稀  
有託苟風雲會合固若祥麟威鳳之耀爲國華  
卽泉石栖遲亦如北斗東山之凜爲師表况其  
年開大耄之瑞辰逢初度之良睹弧矢以在懸  
奉履綦而有慶光分葭蔓頌逾麥丘者乎恭惟

先生函元履貞綜今藪古珠庭日角共期登廟  
之珍玉質金聲未改在匣之璞卽論經笥之蟠  
腹何難科第之摘髭偶慕跡乎鴻冥遂息心于  
鵬奮以南陽之高士爲洛下之耆英龍臥滄洲  
煙雲娛弄鷗盟白社詩酒夷猶笑口常開閑身  
不老童顏辭藥裹延生不用乎熊經白髮炤溪  
灣健步何須于鳩杖至若堦庭之蘭玉更兼文  
武之衣冠福蔭綿綿聲華袞袞婚嫁已畢五嶽  
不減于尚平裘羊可來三徑未荒于蔣詡茲者

輝流南極筭注東華壽躋八袞之崇時介三冬  
之始潭澄潦盡依然方至之川雲白峰青卽是  
長生之嶽磨岫嶠而紀曆引江漢以浮觴綵舞  
長春杯飛不夜瓊枝瑤草色分籬畔之黃花羽  
衣霓裳音度雲中之青鳥直欲擁羨門而歌廣  
樂恍如招金母以問蓬萊五城十二樓天上神  
仙原不偶百年三萬日人間甲子幾重開仰景  
鶴齡伏申燕賀賡降嶽之雅逢迎聊慰乎酌觥  
繪度關之圖揚厲殊慚于橐筆聊疏短引兼勒



荒詞

海屋籌添添幾許漫將水問南陽生來仙骨豈尋常  
掀髯無俗韻搖珮盡天香雪藕冰桃誰勸取瑤池曲  
奏鏗鏘風衣雲鳥自何方緱嶺鸞笙近仙人可是王  
許太始舉子

蓋聞九苞翺翺騰威鳳于丹霄千里跣蹠產神  
駒于赤水唯名家克昌其後故奕世長發厥祥  
許君太始負一代才學萬人敵橋頭題柱笑西  
蜀之馬卿闕下請纓慕山東之終妙青藜窺案

火啓西山鄴架之藏黃石踏橋霜洞豹畧龍韜  
之秘精神滿貯方將一飛冲天一鳴驚人文武  
兼長可謂上馬殺賊下馬草檄曩者節臨改歲  
隣警負芻獨投袂以先驅且挺身而鏖戰弦聲  
沒石劍影飛星令揭竿斬木之徒咸捄死扶傷  
而走作一方之保障爲吾黨之主盟卽看駿烈  
風馳推之國士更喜蘭芽新茁稱其家兒維湯  
餅之良辰乃珠履之高會門車填巷爭謂聞其  
風想見其人座客傳觴咸誇有是父必有是子

謬從同調載觀初筵妄勒蕪詞用章盛事

春信報梅頭雲外珊珊鼓吹浮羅薦蘭湯新浴罷凝  
眸墮地應知氣食牛樽酒喜相酬香篆烟深樂未  
休今日桑弧期不淺英游生子當如孫仲謀

南鄉子

